

Яккасарой туман давлат Ҳизматлари Маркази

**РҮЙХАТДАН ЎТКАЗИЛДИ**

(тузиш, мухим ўзгартириш, кўшимча, бекор килиш)

(ераклийчина тавсия чизилди)

No 2765966

20.30.01

“O’zstandart” agentligi  
bosh direktorining  
28 01 2020 yildagi  
8-son buyrug’iga  
ilova

**“TASDIQLAYMAN”**

“O’zstandart” agentligi  
bosh direktori

  
D. Sattarov

“O’zbekiston standartlashtirish, metrologiya  
va sertifikatlashtirish agentligi huzuridagi  
Akkreditatsiya markazi”  
Davlat unitar korxonasi

**У С Т А В И**

(yangi tahrirda)

Toshkent 2020

**1-боб. Умумий қоидалар**

**2-боб. Аккредитация маркази фаолиятининг мақсади ва асосий йўналишлари**

**3-боб. Аккредитация маркази функциялари**

**4-боб. Аккредитация маркази хуқуқлари ва жавобгарлиги**

**5-боб. Аккредитация маркази фаолиятини бошқариш**

**6-боб. Аккредитация марказининг устав фонди**

**7-боб. Аккредитация маркази устав фондини кўпайтириш ва камайтириш тартиби**

**8-боб. Аккредитация марказининг мол-мулкини тасарруф этиш**

**9-боб. Даромадларни шакллантириш тартиби**

**10-боб. Захира фондини ва бошқа фондларни шакллантириш тартиби**

**11-боб. Даромадларни (фойдани) тақсимлаш ва зарарни қоплаш тартиби**

**12-боб. Ҳисоботларни тақдим этиш тартиби**

**13-боб. Аккредитация марказини тугатиш ва қайта ташкил этиш**

## **1-БОБ. УМУМИЙ ҚОИДАЛАР**

1. “O’zbekiston standartlashtirish, metrologiya va sertifikatlashtirish agentligi huzuridagi Akkreditatsiya markazi” Давлат унитар корхонаси (кейинги ўринларда Аккредитация маркази деб аталади) Ўзбекистон Республикаси Президентининг 2019 йил 10 январдаги “Ўзбекистон Республикаси президенти ҳузуридаги Лойиҳа бошқаруви миллий агентлиги фаолиятини янада такомиллаштириш чоратадбирлари тўғрисида”ги ПФ-5624-сон Фармонига мувофиқ ташкил этилади.

2. Аккредитация маркази оператив бошқарув хуқуки асосида ўзига берилган мол-мулк базасидан давлат унитар корхонаси шаклида ташкил этилган тижорат ташкилот ҳисобланади. Аккредитация маркази ўзига бириктирилган мол-мулкка нисбатан қонун хужжатларида белгиланган доирада, ўз фаолияти мақсадларига, мулкдор топширикларига ва мол-мулкнинг мақсадига мувофиқ эгалик қилиш, фойдаланиш ва тасарруф этиш хуқуқини амалга оширади.

3. Аккредитация маркази ўз фаолиятида Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Вазирлар Маҳкамасининг қарорларига ва фармойишларига, ушбу Уставга ва бошқа норматив хуқуқий хужжатларида амал қиласи.

4. Аккредитация маркази юридик шахс ҳисобланади, алоҳида мол-мулкка, мустақил балансга, банкларда ҳисоб рақамларига, шу жумладан, валюта ҳисоб рақамларига, рамзга, штамплар ва бланкаларга, Ўзбекистон Республикаси Давлат герби тасвири туширилган, ўз номи давлат тилида ёзилган муҳрга ва бошқа реквизитларга эга бўлади.

5. Аккредитация марказининг расмий номи:

а) давлат тилида:

тўлик номи - “O’zbekiston standartlashtirish, metrologiya va sertifikatlashtirish agentligi huzuridagi Akkreditatsiya markazi” Давлат унитар корхонаси;

қисқартирилган номи - “Akkreditatsiya markazi” DUK (аббревиатураси “O’ZAKK”);

б) рус тилида:

тўлиқ; номи - Государственное унитарное предприятие “Центр аккредитации при Узбекском агентстве стандартизации, метрологии и сертификации”;

қисқартирилган номи - ГУП “Центр аккредитации” (аббревиатура “O’ZAKK”);

в) инглиз тилида:

тўлиқ; номи - “Center for accreditation under the Uzbekistan Agency for standardization, metrology and certification” State Unitary Company;

қисқартирилган номи - “Center for accreditation” SUC (аббревиатура “O’ZAKK”).

6. Аккредитация марказининг жойлашган жойи (почта манзили): 100170, Ўзбекистон Республикаси, Тошкент шаҳри, Мирзо Улуғбек тумани, Мустақиллик шоҳ қўчаси, 105-үй.

7. Ўзбекистон стандартлаштириш, метрология ва сертификатлаштириш агентлиги Аккредитация марказининг муассиси (мулқдори) ҳисобланади (кейинги ўринларда Муассис деб аталади).

8. Аккредитация маркази ўз номидан қонун хужжатларида белгиланган тартибда мулкий ва шахсий номулкий хукуқларга эга бўлиши ва уларни амалга ошириши, мажбуриятларни зиммасига олиши, судда даъвогар ва жавобгар бўлиши, низоларни ҳал этишда бошқа органларда вакил бўлиши мумкин.

9. Аккредитация маркази Муассиснинг розилиги билан тижорат ташкилотларида, шунингдек Ўзбекистон Республикасининг қонун хужжатларига мувофиқ юридик шахсларнинг иштирок этиши мумкин бўлган нотижорат ташкилотларда иштирокчи (акциядор, аъзо) бўлиши мумкин.

10. Аккредитация маркази бошқа давлат корхонасининг муассиси бўлиши мумкин эмас.

## **2-БОБ. АККРЕДИТАЦИЯ МАРКАЗИ ФАОЛИЯТИНИНГ МАҚСАДИ ВА АСОСИЙ ЙУНАЛИШЛАРИ**

11. Аккредитация марказининг асосий мақсади Ўзбекистон Республикасининг ривожланиш давлат дастурларини шакллантириш ва руёбга чиқаришда иштирок этиш, мувофиқликни баҳолаш органларини аккредитация қилиш тизимини янада такомиллаштириш, экспортга йуналтирилган ва рақобатбардош товарлар (ишлар)ни ишлаб чиқариш учун шароитлар яратиш, Уставда назарда тутилган бошқа ишларни амалга оширишдан иборат.

12. Аккредитация маркази куйидагиларни амалга оширади:

мувофиқликни баҳолаш органлари, метрологик хизматларни ҳамда қонун хужжатларига мувофик бошқа юридик шахсларни (кейинги ўринларда - мувофиқликни баҳолаш органлари) мувофиқликни баҳолаш соҳасидаги давлат сиёсатини амалга оширишда иштирок этиши;

мувофиқликни баҳолаш органларини халқаро стандартларга кўра аккредитация қилиш, шунингдек, мувофиқликни баҳолаш органларининг белгиланган шартлар ва талабларни бажариши устидан инспекция назоратини амалга ошириш;

халқаро ва миллий аккредитация органлари билан фаол ҳамкорлик қилиши, ушбу соҳада халқаро стандартлар ва техник регламентларни жорий этиш;

мувофиқликни баҳолаш органларини аккредитация қилиш соҳасида миллий ва халқаро илмий-тадқиқот, таълим ва бошқа муассасалар томонидан амалга оширилаётган давлат илмий-техникавий дастурларни ва лойиҳаларининг ягона буюртмачиси вазифаларини бажариш.

13. Аккредитация маркази ўз фаолиятини тўлиқ ўзини-ўзи молиялаштириш асосида амалга оширади, шунингдек Коракалпогистон Республикаси ва вилоятларда филиаллар ташкил этишга хақли.

14. Аккредитация маркази ўзига юклатилган вазифаларни бажаришда давлат ва нодавлат ташкилотлар, шу жумладан лойиҳа институтлари, инжинииринг ва консалтинг компаниялари, илмий-таълим муассасалари, шунингдек, халқаро ташкилотлар, чет эл ва маҳаллий компаниялар билан ҳамкорлик қиласида.

## **3-БОБ. АККРЕДИТАЦИЯ МАРКАЗИ ФУНКЦИЯЛАРИ**

15. Аккредитация маркази зиммасига юклатилган вазифалар доирасида куйидаги функцияларни бажаради:

мувофиқликни баҳолаш органларини халқаро стандартларга мувофик аккредитация қиласи;

аккредитация қилинган мувофиқликни баҳолаш органларини белгиланган шартлар ва талабларни бажариши устидан инспекция назоратини амалга оширади;

халқаро ва миллий аккредитация органлари билан фаол ҳамкорлик қиласи;

аккредитация қилишни ривожлантириш бўйича асосий йуналишларни, концепцияларни, истиқболли дастурларни амалга оширади;

Ўзбекистон Республикаси аккредитация қилиш миллий тизимининг фаолият кўрсатишини таъминлашда иштирок этади;

аккредитация тўғрисидаги гувоҳномани ўрнатилган тартибда расмийлаштиради, тасдиқлайди, амал қилишини тўхтатиб туради ва тугатади;

расмий веб-сайтда аккредитация қилиш масалаларига оид маълумотларни эълон киласи;

доимий равишда халқаро амалиётни ўрганиб боради, унинг натижалари бўйича аккредитация қилишнинг илфор усулларини жорий этишга доир таклифлар киритади;

аккредитация қилинган мувофиқликни баҳолаш органларининг хизматларидан фойдаланишга тўсиқлар яратилишига ва улар ўртасидаги рақобатни чеклашга йўл қўймайди;

аккредитация қилинган мувофиқликни баҳолаш органлари хақида маълумотлар базаси ва аккредитация қоидалари хақида маълумотларнинг актуаллигини таъминлайди;

миллий аккредитация органи ва бошқа ташкилотларнинг аккредитацияга жалб қилинувчи ходимларини малакасини оширади;

мувофиқликни баҳолаш органлари томонидан белгиланган шартлар ва талаблар бажарилиши устидан инспекция назоратини ўтказиш режасини тасдиқлайди;

аккредитация қилинган мувофиқликни баҳолаш органлар билан аккредитация шартнома (битим)ларини имзолайди;

аккредитация ўрганишлари ва инспекция назоратини ўтказиш учун техник эксперталар ва бошқа мутахассисларни жалб қиласи;

аккредитация қилинган мувофиқликни баҳолаш органларини давлат реестирини юритади;

ўрнатилган тартибда аккредитация бўйича ишлар нархини ҳисоблаш услубиётини белгилайди;

аккредитация бўйича халқаро ва худудий ташкилотларга Аккредитация маркази номидан аъзо бўлади, уларнинг ишларида, тадбирларида қатнашади;

аккредитация ўрганишлари ва инспекция назоратини амалга оширадиган Аккредитация маркази ходимлари ҳамда жалб қилинган эксперталар ва бошқа мутахассисларнинг малакасига баҳо беради;

жалб қилинадиган эксперталар ва бошқа мутахассислар малакасига баҳо бериш тартибини белгилайди ва уларнинг ҳисобини юритиш буйича реестрини шакллантиради;

аккредитация қилинган мувофиқликни баҳолаш органлари учун миллий ва халқаро стандартлар асосида семинарлар ва тренинглар ўтказади;

Ўзбекистон Республикаси ҳудудида ва чет давлатларида ташкил этилган илмий-амалий конференция, семинарлар ташкил этади ва уларда иштирок этади.

16. Аккредитация маркази зиммасига юклатилган вазифалар доирасида бошқа функцияларни ҳам бажариши мумкин.

#### **4-БОБ. АККРЕДИТАЦИЯ МАРКАЗИ ХУҚУҚЛАРИ ВА ЖАВОБГАРЛИГИ**

17. Аккредитация маркази зиммасига юклатилган вазифалар ва функцияларни бажариш учун қуидаги хукуқларга эга:

вазирликлар, идоралар ва бошқа ташкилотлардан ҳужжатларни, статистика, таҳлил маълумотларини ҳамда ўз вазифа ва функцияларини бажариш учун зарур бўлган бошқа маълумотларни қонун ҳужжатларида белгиланган тартибда олиш;

Аккредитация марказига юклатилган вазифаларни сифатли бажариш мақсадида мустақил чет эллик, маҳаллий маслаҳатчилар ва эксперталарни шартнома асосида жалб қилиш;

Ўзбекистон Республикасининг ривожланиш давлат дастурларини, шунингдек яқин ва узоқ истиқболда иқтисодиёт тармоқларини ва худудларни ривожлантириш дастурларини шакллантириш доирасида тармоқ вазирликлари ва идоралари, маҳаллий давлат хокимияти органлари томонидан киритилган инфратузилмавий лойиҳаларни такомиллаштиришга доир таклифлар киритиш, Аккредитация маркази фаолияти соҳасидаги қонун ҳужжатларини, шунингдек норматив базани такомиллаштириш буйича таклифлар киритиш;

ўз ходимларининг малакасини ошириш ва амалиётдан ўтказиш учун мамлакатимиз ва чет эл етакчи таълим, илмий ва соҳавий муассасаларига, шунингдек ишлаб чиқариш корхоналарига юбориш;

Аккредитация маркази базасида ходимларни ўқитиш ва малакасини ошириш буйича семинар ва тренинглар ташкил этиш;

белгиланган тартибда ноширлик фаолиятини амалга ошириш, ахборот

материаллари, даврий нашрлар ва бошқа матбуот маҳсулотини чоп этиш ва тарқатиш;

ўз фаолиятини амалга ошириш учун зарур лицензия дастурларини ва тизимларни ҳамда зарур асбоб-ускуналарни белгиланган тартибда харид қилиш.

18. Аккредитация маркази қонун хужжатларига мувофиқ бошқа хукукларга ҳам эга булиши мумкин.

19. Аккредитация маркази зиммасига юклатилган вазифа ва функцияларнинг самарали бажарилиши учун жавобгардир.

20. Аккредитация маркази ўз мажбуриятлари бўйича ўзига тегишли мол-мулк билан жавоб беради. Муассис Аккредитация маркази мол-мулки етарли бўлмагандан Аккредитация маркази мажбуриятлари бўйича субсидиар тартибда жавоб беради.

21. Аккредитация маркази Муассиснинг мажбуриятлари бўйича жавоб бермайди.

## **5-БОБ. АККРЕДИТАЦИЯ МАРКАЗИ ФАОЛИЯТИНИ БОШҚАРИШ**

22. Аккредитация маркази Муассис олдида ҳисобдордир.

23. Муассис қуийдаги хукукларга эга:

Аккредитация маркази фаолиятининг мақсад ва йуналишларини белгилаш;

Аккредитация маркази Уставига ўзгартериш ва кўшимчалар киритиш тўғрисида қарорлар қабул қилиш;

Аккредитация маркази мол-мулкига оид битимларни хақиқий эмас деб эътироф этиш тўғрисидаги даъво билан судга мурожаат қилиш;

Аккредитация марказига етказилган зарарни ундириш тўғрисида Аккредитация маркази директорига нисбатан даъво тақдим этиш;

Аккредитация марказини қайта ташкил этиш ёки тугатиш тўғрисида қарор қабул қилиш, тугатиш комиссиясини тайинлаш ва тугатиш балансини тасдиқлаш;

Аккредитация маркази директори билан меҳнат шартномасини меҳнат қонунчилигига доир қонун хужжатларида белгиланган тартибда муддатидан олдин тугатиш.

24. Муассис қонун хужжатларига мувофиқ бошқа хукукларга эга бўлиши мумкин.

25. Аккредитация марказининг жорий фаолиятига Муассис томонидан ILAC ва IAF талаблари ва принципларига, ISO/IEC стандартларига ҳамда Аккредитация бўйича кенгаш тавсияларига амал қилган ҳолда лавозимга тайинланадиган ва

лавозимдан озод этиладиган директор раҳбарлик қилади..

26. Директор ижро этувчи орган ҳисобланади:

Аkkредитация маркази фаолиятига умумий раҳбарлик қилади ва Аkkредитация маркази зиммасига юклатилган вазифа ва функцияларнинг бажарилиши учун шахсан жавоб беради;

Аkkредитация маркази тузилмасига, зарурат бўлганда, бошқарув ходимларининг белгиланган штат бирлиги ва меҳнатга ҳақ тўлаш фондига ўзгартиришлар киритади;

энг илғор амалиётларга мувофиқ миллий стандартларни ишлаб чиқариш бўйича вазифаларни сифатли бажариш мақсадида шартнома асосида мустақил консультациялар ва эксперталарни, шу жумладан чет эллик мутахассисларни жалб этади;

юкори малакали хорижий ва маҳаллий мутахассисларни ишга қабул қилиш ҳамда уларга иш хақи ва бошқа тўловлар микдорини белгилайди;

Ўзбекистон Республикасидаги ва ундан ташқаридағи барча ташкилотларда Аkkредитация маркази манфаатларини ифодалайди, Аkkредитация маркази номидан ишончномасиз харакат қилади, шартномаларни тузади, ўзгартиради ва бекор қилади;

пулли хизматлар кўрсатиш тартибини, уларнинг нархларини ишлаб чиқади ва белгиланган тартибда тасдиқлайди;

Аkkредитация марказининг таркибий бўлинмалари тўғрисидаги низомларни, Аkkредитация маркази ходимларининг лавозим мажбуриятларини тасдиқлайди;

ойлик кўшимча ҳақлар, шу жумладан юкори малака, профессионализм ва иш сифати учун ойлик ва чораклик кўшимча ҳақлар ва мукофот пулларини белгилайди, шунингдек ходимлар ўз зиммасига юклатилган вазифаларни қай даражада самарали бажараётганлигини ҳисобга олиб, уларни кайта кўриб чиқади;

Аkkредитация маркази ходимларини белгиланган тартибда ишга қабул қилади, улар билан меҳнат шартномаларини тузади, ўзгартиради ва тўхтатади;

ўз ваколати доирасида Аkkредитация маркази ходимлари бажариши шарт бўлган буйруқ ва фармойишлар чиқаради, кўрсатмалар беради;

қонун хужжатларида белгиланган тартибда ишончномалар беради;

Аkkредитация маркази зиммасига юклатилган мақсад ва вазифаларни амалга ошириш учун зарур бўлган бошқа функцияларни бажаради.

28. Директор Аkkредитация маркази фаолияти тўғрисида Муассис олдида белгиланган тартибда ҳисобот беради.

29. Директор ўз хукуқарини амалга оширишда ва мажбуриятларини бажаришда Аккредитация маркази манфаатларини кўзлаб харакат қилиши керак.

Директор Ўзбекистон Республикаси Давлат бюджетига ва давлат мақсадли жамгармаларига тўловларнинг, иш хақинининг ўз вақтида тўланиши, меҳнат хукуқлари ва муносабатларидан ҳамда уларга тенглаштирилган тўловлардан келиб чиқадиган барча талабларнинг қондирилиши, ишлаб чиқариш фаолияти билан бевосита боғлиқ бўлган эхтиёжлар учун пул маблағларининг ўтказилмаганлиги учун ўзининг харакати (харакатсизлиги) туфайли, шу жумладан Аккредитация марказига берилган мол-мулк йуқолган тақдирда Аккредитация марказига етказилган зарар учун қонун хужжатларида белгиланган тартибда жавоб беради.

30. Директор зиммасига юклатилган вазифалар, шунингдек Аккредитация марказига берилган мол-мулкининг бутлиги ва ундан мақсадли фойдаланилиши учун қонун хужжатларида белгиланган тартибда жавоб беради.

## **6-БОБ. АККРЕДИТАЦИЯ МАРКАЗИННИГ УСТАВ ФОНДИ**

31. Аккредитация марказининг устав фонди Аккредитация маркази фаолиятини оператив бошкарувини амалга ошириш учун Муассис томонидан Аккредитация марказига берилган маблағлар, мол-мулк ва бошқа активлар мажмуини ўзида ифодалайди.

32. Аккредитация маркази устав фондининг микдори 1 041 889 041,78 (бир миллиард қирк бир миллион саккиз юз саксон тўққиз минг қирк бир) сўм, 78 тийинни ташкил этади.

## **7-БОБ. АККРЕДИТАЦИЯ МАРКАЗИ УСТАВ ФОНДИНИ КЎПАЙТИРИШ ВА КАМАЙТИРИШ ТАРТИБИ**

33. Аккредитация марказининг устав фонди қонун хужжатларида белгиланган тартибда Муассиснинг қарорига биноан кўпайтирилади ёки камайтирилади.

## **8-БОБ. АККРЕДИТАЦИЯ МАРКАЗИННИГ МОЛ-МУЛКИНИ ТАСАРРУФ ЭТИШ**

34. Муассис томонидан оператив бошкарув хукуқлари асосида Аккредитация марказига бириттирилган асосий фондлар ва айланма маблағлар Аккредитация марказининг мол-мулкини ташкил этади.

35. Аккредитация маркази мол-мулки бўлинмас мол-мулк ҳисобланади ва

қўшилган хиссалар (улушлар, пайлар) бўйича, шу жумладан Аккредитация маркази ходимлари ўртасида тақсимланиши мумкин эмас.

36. Муассис Аккредитация марказига берилган мол-мулқдан мақсадли фойдалилаётганлиги, унинг бутлиги, шунингдек мусодара этилиши устидан назоратни амалга оширади.

37. Директор Муассис билан келишган ҳолда Аккредитация маркази мол-мулкини қуидаги ҳолларда тасарруф этиши мумкин:

асосий воситаларни реализация қилиш, уларни ижарага ёки гаровга бериш; мол-мулкни хўжалик жамияти устав фондига улуш сифатида қўшиш; хўжалик жамиятларининг акцияларини (улушларини) харид қилиш; мол-мулкни Аккредитация маркази фаолияти мақсадларига мувофиқ бўлмаган бошқача тарзда тасарруф этиш.

## **9-БОБ. ДАРОМАДЛАРНИ ШАКЛЛАНТИРИШ ТАРТИБИ**

38. Қуидагилар Аккредитация маркази фаолиятини молиялаштириш манбалари этиб белгиланади:

кўрсатилган хизматлардан олинган даромадлар;

мувофиқлик белгисидан фойдаланганлик учун мувофиқликни баҳолаш органларидан келиб тушадиган ажратмалар;

Муассис томонидан Аккредитация марказини таъминлаш учун йуналтирилган маблағлар, мол-мулқ;

Аккредитация марказининг бўш маблағларини тижорат банкларидаги депозитларга жойлаштиришдан олинган даромадлар;

Ўзбекистон Республикаси қонун хужжатлари билан тақиқланмаган бошқа манбалар.

## **10-БОБ. ЗАХИРА ФОНДИНИ ВА БОШҚА ФОНДЛАРНИ ШАКЛЛАНТИРИШ ТАРТИБИ**

39. Аккредитация маркази ўз тасарруфида қоладиган соф фойда ҳисобига захира фондини, шунингдек бошқа фондларни ташкил этиши мумкин, уларнинг микдори ва шакллантириш тартиби Муассис томонидан тасдиқланади.

## **11- БОБ. ДАРОМАДЛАРНИ (ФОЙДАНИ) ТАҚСИМЛАШ ВА ЗАРАРНИ ҚОПЛАШ ТАРТИБИ**

40. Ўзбекистон Республикаси Давлат бюджетига ва давлат мақсадли жамғармаларига барча солиқлар ҳамда бошқа мажбурий тўловлар тўлангандан, шунингдек, давлат корхонасининг соф фойдасидан қонунчиликда белгиланган тартибда ажратмалардан кейин давлат корхонасида қоладиган соф фойда корхона ихтиёрида қолади ва ундан муассиснинг қарорига биноан фойдаланилади.

41. Аккредитация марказининг хўжалик фаолияти натижасида кўрилган зарарнинг ўрни ушбу мақсадлар учун тузилган захира фондининг маблағлари ҳисобидан қопланиши мумкин.

## **12- БОБ. ҲИСОБОТЛАРНИ ТАҚДИМ ЭТИШ ТАРТИБИ**

42. Аккредитация маркази ҳисбот даври тугагач, ваколатли органларга молия ҳисботини ва рўйхати қонун хужжатларида белгиланган бошқа хужжатларни тақдим этади ҳамда хужжатларнинг сақланиши ва уларнинг давлат томонидан саклашга берилиши юзасидан белгиланган тартибда жавоб беради.

43. Аккредитация марказининг хўжалик юритувчи субъект сифатида фаолияти устидан назорат қилиш Муассис ва бошқа ваколатли органлар томонидан қонун хужжатларида белгиланган тартибда амалга оширилади.

44. Директор хар чорақда Аккредитация маркази фаолиятининг натижалари ва тасдиқланган ривожлантириш дастурларининг руёбга чиқарилиши тўғрисида Муассисга ҳисбот беради.

## **13- БОБ. АККРЕДИТАЦИЯ МАРКАЗИНИ ТУГАТИШ ВА ҚАЙТА ТАШКИЛ ЭТИШ**

45. Аккредитация маркази Муассис қарорига кўра, тегишли равища қонун хужжатларида белгиланган тартибда ёхуд суд қарорига биноан тугатилиши ёки қайта ташкил этилиши мумкин.